




Årsrapport 2024

Stord kyrkjelege fellelsråd



DEN NORSKE KYRKJA
Stord kyrkjelege fellelsråd

ÅRSRAPPORT 2024

Stord kyrkjelege fellesråd

Rammeområde: **Den norske kyrkja**
Delrammeområde: **Stord kyrkjelege fellesråd**
Dagleg ansvar: **Kyrkjeverja**
Målgruppe: **Innbyggjarane i Stord**

Medlemer i fellesrådet : Dag Sele, leiar (Stord)
Heine Kaldefoss, nestleiar, (Nysæter)
Knut Gram, (Stord)
Tormod Stautland, (Nysæter)
Tom Knudsen, kommunal representant
Jørgen Knudsen, geisteleg representant

AU: Leiar, nestleiar og geisteleg representant..

Guro Betten, 1. varamedlem, (Nysæter)
Knut Steinar Alvsvåg, 1. varamedlem. (Stord)
Ida Elin Hatlevik Tvedt, 2. varamedlem (Nysæter)
Sigrid Beate Tveit Eskeland, 2. varamedlem (Stord)
Nancy Aasheim, varamedlem, kommunal representant
Fridleif Lydersen, varamedlem, geistleg representant

Kyrkjeverje Liv Kari Bru, sakshandsamar/skrivar for fellesrådet og AU

HOVUDMÅLSETJING:

- Ivareta administrative og økonomiske oppgåver på vegne av sokna.
- Utarbeida mål og planar for den kyrkjelege verksemda i Stord.
- Sikra samanheng mellom mål/planar og økonomiske ressursar.
- Fremja samarbeid mellom sokneråda
- Ta vare på sokna sine interesser i høve til kommunen.
- Forvalta gravplassar og bygg med orden og vyrdnad og i samsvar med gjeldande lover og føresegner.
- Ivareta tilsette i Stord kyrkjelege fellesråd.

VERKSEMD / OMRÅDE (Jfr. Trossamfunnslova kapittel 3 og Gravferdslova § 3)

Kyrkjeadministrasjon, økonomi-, personal- og planarbeid, kyrkjebygg og gravplassar i Stord og Nysæter sokn.

RESULTATMÅL FOR ÅR 2024

- 1. Kyrkjebygg og gravplassar skal vera ei verdig ramme kring kyrkjelege handlingar og annan aktivitet som kjem inn under kyrkja si verksemd. Dei skal ha ein praktisk funksjon og bli forvalta på ein forsvarleg og tenleg måte.
- 2. Gode rammevilkår for kyrkja. Det skal vera samsvar mellom ressursar som økonomi, utstyr, personale og dei oppgåver som kyrkja skal løysa ut frå lovverket og lokale mål og forventningar.
- 3. Utvikla godt samhald og samarbeid både internt i kyrkjeorganisasjonen i Stord, mellom kyrkja i Stord og kommunen, staten, andre kyrkjelege fellelråd samt frivillige organisasjonar og einskildpersonar.

I 2024 hadde Stord kyrkjelege fellelråd 7 (6) møte og handsama i alt 50 (43) saker. Møtebok frå samtlege møter er å finna på www.stordkyrkja.no

Kjønnsdeling i fellelrådet

Jfr. Trussamfunnslova § 7 og Likestillings- og diskrimineringslova § 26 a.

Fellelrådet er sett saman av to representantar frå kvart sokneråd. Desse vert oppnemnte av sine respektive sokneråd. I tillegg kjem ein representant frå kommunestyret, valgt av kommunestyret samt ein geisteleg representant (prest, oppnemnt av Bjørgvin biskop).

I inneverande periode (2023-2027) er alle dei faste representantane i fellelrådet menn.

Fellelrådet som arbeidsgjevar styrer og arbeider etter det lovverket som er forvalta av Den norske kyrkja.

Kyrkjer og gravplassar

STATISTIKK

Kyrkja i Stord driv ei stor verksemd som på ulike måtar har alle Stord sine ca. 19 300 (pr. des. 2024) innbyggjarar som målgruppe. Kyrkjene har vore i bruk til dei aktivitetane som kyrkjelyden, biskopen og sokneråda har ynskt.

Tekst	Tal Stord		Tal Nysæter		Sum	
Gudst. og arr. med gudstenesteleg karakter	83	(85)	55	(56)	138	(141)
Besøktal på gudstenestene ovanfor	13 486	(11 828)	5 036	(5 192)	18 522	(17 020)
Kyrkjelege gravferder	95	(121)	23	(22)	118	(143)
Vigde (bryllaup)	20	(24)	2	(6)	22	(30)
Konfirmentar	137	(114)	34	(31)	171	(145)

Tal i parantes gjeld 2023. Komplette kyrkjeleg årsstatistikk 2024 er utarbeidd og sendt til Statistisk Sentralbyrå. Statistikken er også tilgjengeleg på Stord kyrkjekontor.

Talet på gravlagde på gravplassane + utlevert til oskespreiing i Stord kommune:

Stord

År	Kiste	Urne	Totalt
2024	68	42 + 1 (oskespreiing)	111
2023	79	49 + 1 (oskespreiing)	129
2022	73	43 + 3 (oskespreiing)	119
2021	69	26 + 2 (oskespreiing)	97

Nysæter

År	Kiste	Urne	Totalt
2024	14	11 + 1 (oskespreiing)	26
2023	12	5 + 1 (oskespreiing)	18
2022	12	2	14
2021	11	3 + 1 (oskespreiing)	15

Det finst eigne årsrapportar for kyrkjelydsarbeidet både frå Stord sokneråd og Nysæter sokneråd.

Sokneråda sine årsrapportar kan ein få på kyrkjekontoret.

Den offisielle kyrkjelege årsstatistikken for Stord prestegjeld ligg føre f.o.m. 15. februar kvart år.

DEN DAGLEGE DRIFTA

Stord kyrkje.

Det har vore ein del arbeid knytta til det elektriske anlegget i Stord kyrkje. Dette arbeidet vil bli vidareført i 2025 med fokus på oppvarming.

Andre utfordringar har vore lekkasje i området over døra på prestesakristiet.

Vidare rehabilitering Stord Kyrkje.

Den utvendige rehabiliteringa vart avslutta i 2010 utan fullgodt resultat. Trongen for å ta opp att dette arbeidet viser seg stadig tydelegare. Det er fuktinntrenging, særleg rundt vindauga på sørsida. Me har fått utarbeidd ein grundig tilstandsrapport (AKASIA) som avdekkar trong for store vedlikehaldsoppgåver. Den totale kostnaden ved renovering av ytterveggar, vindaugo og takrenner vart i 2020 anslått til ca 20 mill. Med ei første prioritering (sørsida) på ca 6, 5 mill. Stord kommune har lova pengar til dette prosjektet, fordelt over fleire år. Arbeidet med å finansiering og gjennomføring skulle vore starta i 2021.

Det har vore jobba mykje med å engasjera prosjektleiar, både eksternt og i Stord kommune, utan å lukkast. Pga. mangel på prosjektleiar vart ikkje arbeidet starta opp i 2024, heller.

Nysæter kyrkje

I Nysæter har det vore eit kontinuerleg arbeid i forhold til lyd, lys og oppvarming. Det blir førebudd eit større prosjekt som skal leggjast ut på anbod/Doffin i 2025

Gravplassane

Det har vore store utfordringar med vann-lekkasjar på Frugarden gravplass. Dette skuldast feil i vass-anlegget frå starten av. Store ressursar har vore nytta for å få dette på stell – både økonomiske og personellmessige.

Antal gravferder i Stord kommune var litt lågare i 2024 samanlikna med året før. Det er likevel grunn til å tru at antal gravferder vil auka i åra som ligg framom, ikkje minst med tanke på at den eldste gruppa i Stord kommune er aukande.

I Stord sokn reknar me med at Frugarden byggetrinn I, i beste fall vil dekkja behovet for kistegraver fram til hausten 2026.

Det er urovekkande at Stord kommune ikkje kom i gong med Frugarden byggetrinn II i 2024 heller.

I Nysæter er behovet for kistegraver dekkja for mange år framover.

Både Stord og Nysæter har rikeleg tilgang på urnegraver. Antal urnenedsetjingar på minnelundane på Frugarden og Nysæter er aukande.

På Huglo gravplass vart gangvegane på oppgradert og endra. Neste prosjekt på Huglo gravplass vil truleg bli klokkeårnet.

Kyrkjelydshus, Stord sokn

Våren 2019 fekk Stord sokn/Stord kyrkjelege fellesråd tilbod frå kyrkjelyden Ebeneser om å kjøpa Fredheim, *Fredheim, Gnr 27:Bnr 70 i Hystadvegen*.

Det vart stifta ein eigen organisasjon, Kyrkjestova Fredheim. Denne organisasjonen fekk tilbod om eit privat lån som gjorde det mogleg å kjøpa Fredheim på seinsommaren i 2019. I 2021 var dette lånet innfridd og Kyrkjestova fekk innvilga lån av Stord kyrkjelege fellesråd.

Forholdet mellom Stord sokn/Stord kyrkjelege fellesråd og Kyrkjestova Fredheim er regulert i eigen avtale.

Me viser til Kyrkjestova Fredheim sin eigen presentasjonsbrosjyre og årsmelding.

Styreleiar for Kyrkjestova Fredheim er Dag Sele.

Arbeidsgruppa for nytt kyrkjelydshus i Stord sokn (oppnemnt av Stord kyrkjelege fellesråd) har også dette året hatt stort fokus på aktuell tomt til nytt kyrkjelydshus. I samband med reguleringsplanen for Frugarden-området har det blitt spelt inn ynskje om å få avsett tomt til kyrkjelydshus i dette området, så nær Stord kyrkje som mogleg.

Personal / Organisasjon

Tilsette pr. 31.12.2024	Personar 2024	Årsverk 2024	Personar 2023	Årsverk 2023	Personar 2022	Årsverk 2022
Fast tilsett	16	11,37	18	13,57	17	12,57
Mellombels tilsett	0	0	0	0	0	0
Vakant stilling	3	2,6	0	0	1	1
Prestar (ikkje tilsette i fellesrådet)	4*	3,2*	4*	3,5*	4*	2,5*
Permisjon	1 (i 5 mnd)	1 (i 5 mnd)	1 (i 5 mnd)	1 (i 5 mnd)	0	0,4
* To sokneprestar + ein ungdomsprest + tenester frå andre etter behov.						

- I tillegg til årsverk kjem **vikarar** for kontorar, kyrkjetenar og gravplassarbeidarar = ca eitt årsverk.
- **Uløna medarbeidarar** utgjør mellom 120 og 150 personar (mellom anna innan diakoni, undervisning og kyrkjelydsarbeid).
- **Sigrid Theodorsen Langøy** vart i 2024 tilsett på timar i trusopplæringa og på kyrkjekontoret.
- **Ingvild Baugstø Almås** (kyrkjelydspedagog) sa opp stillinga si med verknad frå 01.07.2024.
- **Solveig Høyland** (70% kyrkjelydspedagog og 30% diakonimedarbeidar) sa opp stillinga si med verknad frå 01.09.2024.

Sjukefråver

2020	2021	2022	2023	2024
9,45 %	5,19 %	11,7 %	13,62	8,81

2024 var prega av fleire langtidssjukemeldingar blant tilsette i administrasjonen på kyrkjekontoret.

Økonomi /budsjett

Rekneskapen syner eit underskot i drifta for 2024 på kr. 337 744 utan bruk av budsjettert inntekt frå disposisjonsfond (kr. 1 100 000,-)

Rammetilskotet frå Stord kommune vart redusert med kr. 736 000 i forhold til utbetalt rammetilskot 2023. Dette førte til eit svært krevjande år - ikkje minst for dei tilsette.

For å redusera utgiftene, vtok Stord kyrkjeleg fellesråd i januar å stenga Stord kyrkje for å redusera straumutgiftene. Fleire andre tiltak vart òg gjennomført som t.d. innkjøpsstopp av innbu & utstyr, bortfall av budsjett til kurs og vidareutdanning, kraftig reduksjon i sommarhjelp på gravplassane, med meir.

Stord kyrkje vart opna igjen i slutten av januar, men temperaturen i begge kyrkjene vart redusert heile året utan at det gjekk ut over aktiviteten i kyrkjene.

Dei andre tiltaka vart gjennomførte ut året.

Når driftsresultatet likevel vart betre enn forventa, skuldast det langtidssjukemeldingar (sjukepengerefusjonar utan at det vart sett inn vikar) samt vakanse i stillingar innan trusopplæring og diakoni.

Løn og sosiale utgifter er den største kostnaden og utgjorde i 2024 kr. 10 794 744,- (2023 kr. 11 826 923,-)

Bispedømerådet gjev lønstilskot til kateket /kyrkjelydspedagog (ca. 85 %), soknediakon (nesten 50% av 100 % stilling) og kjøp av sekretærenester for prosten (25 %).

I tillegg vert noko mindre enn 40 % av løn til eine gravplassarbeidarstillinga refundert frå NAV.

Mottekne prosjektmidlar frå BDR til trusopplæringa var i 2024 kr. 1 532 116,- .

Summen skal dekkja lønsutgifter til 1,4 stillingar + driftsutgifter til trusopplæring.

Pga vakanse i stillingar finansiert av trusopplæringsmidlar, vart kr.587 125 (ubrukke midlar) sett av på bunde fond. Årsaka til dette er at det er grunn til å tru at TOL-tilskotet vil bli redusert i 2025 pga mindre forbruk av TOL-midlar i 2024.

Stord kommune har i fleire år hatt ei ordning der meirkostnadane med kremasjon vert refundert av kommunen. Årleg sum avsett til formålet har heilt sidan oppstarten i 2011 vore 90.000 i det kommunale budsjettet.

Gjennom denne ordninga var kostnadane dei første åra like høge enten pårørande valgte kremasjon eller kistegravferd. Slik er det diverre ikkje lenger. Antal kremasjonar aukar år for år. 90 000 må såleis delast på fleire.

I 2024 vart kvar kremasjon subsidiert med kr. 1.200,- Dette dekkjer ca. 20% av av meirkostnadane med kremasjon samanlikna med kistegravferd. I 2024 vart det sett ned 55 urner på gravplassane i Stord kommune. (54 i 2023)

Stord kyrkjelege fellesråd viser elles til driftsrekneskap 2024 og investeringsrekneskap 2024.

Benchmarking (økonomisk referansemåling)

Stord kyrkjelege fellesråd bestilte hausten 2024 økonomisk referansemåling - rapport frå KA (Kirkens arbeidsgiverorganisasjon). Bakgrunnen var at fellesrådet ynskte å vita meir om korleis Stord låg an samanlikna med andre kommunar i Norge, og med samanlignbare kommunar (kostragruppa). Rapporten er med utgangspunkt i 2023.

Me tek med nokre av dei funna som vart presentert. Heile rapporten er tilgjengeleg på kyrjekontoret.

- Kommunane i Norge brukar 0,85% av dei netto driftsutgiftene sine til kyrkjeleg fellesråd. Stord kommune brukar 0,76%.
- Driftsutgiftene pr. kyrkjemedlem i Stord kommune var i 2023 kr. 1 343,-. Snittet for heile landet var kr. 2 242,-.
- Driftsutgifter pr. innbyggjar i Stord kommune var i 2023 kr. 972,-. Snittet for heile landet var kr. 1 652,-. Sjå rapporten s. 9.
- Stord kjem svært positivt ut når det gjeld deltaking i kyrkjelege aktivitetar. Sjå s. 7 i rapporten.

Utfordringar og utvikling

KONKRETE OPPGÅVER / UTFORDRINGAR FRAMOVER

- Rehabilitering Stord kyrkje. Finansiering og gjennomføring.
- Byggetrinn II, Frugarden gravplass. Gravplassbygging er Stord kommune sitt ansvar.
- Større rammetilskot frå kommunen
 - øyremerka utviding av antal årsverk på gravplassane i tråd med auka gravplassareal samt midlar til fornying og utviding av maskinparken.
 - det er behov for eit høgare tilskot til drifta av kyrkja på Stord generelt.
- Samarbeid mellom fleire kyrkjelege fellesråd i regionen
- Vidare utvikling av rehabiliteringsprogrammet for Stord kyrkje. Finansiering og gjennomføring
- Tilsetja medarbeidarar i alle vakante stillingar. Det er si særskild utfordring å rekruttera til kyrkjelydspedagogstillingane og diakoni.
- Få på plass ein administrasjonsstruktur- og rutinar som fører til meir stabilitet, også ved langtidssjukemeldingar.
- Kyrkjelydshus og toalett ved Stord kyrkje. Finanisering og bygging.
- Fleire frivillige medarbeidarar til ulike oppgåver i kyrkjelydane våre.


Til slutt....

Stord kyrkjelege fellesråd er oppteken av å sikra gode rammevilkår for kyrkja si verksemd i Stord.

Fellesrådet prioriterer framleis eit nært og godt samarbeid med Stord kommune, mellom anna gjennom tenesteyting / tenestekjøp.

Fellesrådet vil hjelpa til og leggja til rette for (ref. Kyrkjelova §14) at sokneråda kan nå dei måla som er sett for arbeidet (ref. Kyrkjelova §9). Dette søker fellesrådet å oppnå ved å tileigna seg kompetanse og økonomisk handlefridom i kyrkjeorganisasjonen, og ved tiltak som skaper "aktivt engasjement og stadig fornying" (Kyrkjelova §1) i kyrkja i Stord.

Fellesrådet ynskjer å styrkja og vidareutvikla kyrkja i Stord som ein god arbeidsplass, prega av tryggleik, trivsel, involvering, god motivasjon, samhald og felles fokus gjennom å ta vare på medarbeidarar og gje høve til utvikling og vekst, både fagleg og personleg.



Stord, 25. juni 2025
For Stord kyrkjelege fellesråd

Dag Sele
Leiar i Stord kyrkjelege fellesråd

Liv Kari Bru
Kyrkjeverje/dagleg leiar